

پنپال

سراشکی شعری مجموعہ

عزیز شاہد

پٹنیاں

عزیز شاہد

PDF By: Ehsan Awan

Cell No.: 0345-8711418 , 0302-7642151

ناں کتاب _____ پٹیاں
شاعر _____ عزیز شاہد
ناشر _____ رئیس عدیم
پہا پر خانہ _____
پہلی داری _____ مئی ۱۹۹۶ء
کل _____ ۵۰ روپے
تعداد _____ ایک ہزار
کتابت _____ اختہ کھوسہ

ملن دے پتے

- * دفتر سر ایسی سنگت بلاک نمبر ۸۴ پتھر بازار ڈیرہ غازیخان * عامر کبڈ پو بلاک ۲ کالج روڈ
- * پیر ماؤنٹ نیوز کارنر بالمقابل اڈاجی ٹی ایس ڈیرہ غازیخان
- * مکتبہ زکریا بلاک نمبر ۱۰ ڈیرہ غازیخان * انصاری بک و سٹاؤنڈم روڈ ڈیرہ غازیخان
- * انصاف کتاب گھر بلاک نمبر ۸ ڈیرہ غازیخان * ملک نیوز ایجنسی ٹریفک چوک
- * ڈیرہ غازیخان * سعید یہ کتب خانہ بلاک سی ڈیرہ غازیخان * غفاریہ بکسٹال نزد جنرل بس
- * سینڈ کوٹ ادو * ناطق بک ڈپو گوہر والا (منکیہ ضلع بکھر) * ملتان کتاب گھر تونسہ۔
- * تونسہ کتاب گھر تونسہ * خلیفہ کتاب گھر تونسہ * دار الکتاب لیبہ * قیوم دی
- * ہٹی لیبہ * اقتدا کتاب گھر انڈیا ٹوٹو سٹیشن فیصل بکسٹریچری چوک راجن پور * عبدالعزیز بکسٹال
- * میزان چوک کوٹہ۔ رمضان بکسٹال ۳ کوٹہ

ناشر: رئیس عدیم دبستان سحر بلاک پی ڈیرہ غازیخان

سئیں انختہ علی خاں صاحب

دے ناں

سوچھل سوچھ

درداں ماری چندڑی غم دے صحر اوچ تسی ریت تے تسی ہئی
 تے اینکوں ایں حال وچ عزیز شاہد سیں دے خلوص دے
 وٹ دی چھاں دے نال پٹیال دے موتی وی نصیب تھی
 گئے تے چندڑی دا انگ انگ ٹھہر گیا میں شاہد سیں دے
 خلوص بھریے پیار دا کہیں حیلے وی شکریہ ادا نہیں کر سگدا
 شاہد سیں دی پٹیال دے موتی سرائیکی ادبی سوچھلے وچ
 اپنی چمکار بڑکھیندے رہن میں شاہد سیں دا تھوڑیت ماں
 جو انہاں میگوں اتنا خلوص تے پیار ڈتے جو میڈی خواہش توں
 دی زیادہ دان تھی گئی تے میگوں پٹیال چھا پٹ دی عزت
 مل گئی۔ اللہ سیں انہاں کوں سلامت رکھے جو انہاں میگوں سوچھل
 سوچھ بختی ہے۔

میں ماہنامہ ”فرید رنگ“ دے مدیر اعلیٰ محمد رمضان طالب سیں
 تے فرید سرائیکی سنگت (رجسٹرڈ) دیرہ غازی خان دے سرپرست
 اعجاز ڈیروی سیں دا وی شکریہ گزار ماں جو دبستان سحر دی اشاعتیں
 وچ میڈے نال خاص بھل بھنوائی کر کے میڈی حوصلہ افزائی
 کریندن۔

نیاز مند
 رئیس عدیم

بِسْمِ اللَّهِ الرَّحْمَنِ الرَّحِيمِ

چاندنی چھائی ہوئی چاندی دی کہیں جالی وچوں
 یا جینویں کچی کلی پنیاں وچ گھمّی ہوئی
 دل وی پاگل ہے جو بس تشیہاں سوچن بہہ مقّے
 کہیں دیں پلکیں تے ڈٹھس ہک منجھئی سمّی ہوئی

تندیر ؟

صفحہ نمبر	عنوان	نمبر شمار
۹	نیلانی	۱
۱۶	دلڑی نہ سکھڑیں چون چٹ	۲
۱۸	اے راجہ حسن دا سدا راج مانٹیں	۳
۱۹	سینہڑا	۴
۲۲	پیار	۵
۲۴	تمتیا	۶
۲۶	گریبان	۷
		۸
۳۲	خودکشی	۹
۳۵	ہمزاد	۱۰
۳۹	سونے دا بچھ	۱۱
۴۱	پہلی بہلی فجر ہے تیدے بھر دی	۱۲
۴۳	وقت	۱۳
۴۶	نیلانی بند	
	غزلاں	
۵۰	بجردیاں راتیں ہوون	۱

صفحہ نمبر	عنوان	نمبر شمار
۵۲	غزلاں دیکھیے ہوئے آسمان تے	۲
۵۳	نہ سجا میڈیاں اکھیں	۳
۵۵	تیدیں یادیں دے سمجھ	۴
۵۷	اپنے پچھلے ادھار بھل گئی ء	۵
۵۹	قول قساں قرآن بھل گئی ء	۶
۶۱	وقت دے لہجے دے وچ	۷
۶۳	سرتوں ڈھلے ڈیکھ بچھانویں	۸
۶۵	مکمل قرب وچ وی	۹
۶۷	اے سچ تاں ہے جو او ساہ ساہ	۱۰
۶۸	کیوں بھلا کہیں دے ستم	۱۱
۷۰	دل تاں دلبرنا	۱۲
۷۲	کوئی پل نکھر کے دل توں	۱۳
۷۴	ساہ ساہ سنگت	۱۴
۷۶	اے دل جو ہے مستقل تیدا گھر	۱۵
۷۸	چاہت، خلوص، پیار، محبت، وفا، فریب	۱۶
۸۰	وقت او لہو لہان کاٹی ہے	۱۷
۸۲	رہن ڈے کہیں نشانی لیوں	۱۸
۸۴	کہیں دا کیا جے کہیں دا سینہ خالی ہے	۱۹
۸۵	یقین لٹ کے میڈے	۲۰
۸۷	کوئی نہ کوئی سکول میڈے رستے وچ	۲۱

صفحہ نمبر	عنوان	نمبر شمار
۸۹	سانہ کے اکھ اکھ دے ورج	۲۲
۹۱	اوگال گال تے قساں قرآن گھنڈا پئے	۲۳
۹۲	نہ چھڈے زخم سینے دا	۲۴
۹۴	ایںجھی ویران و سوں ہے	۲۵
۹۶	اکھ وی خالی ہے	۲۶
۹۸	بس کر میڈا ہمزاد	۲۷
۱۰۰	سائیں! میڈے احساس تے احسان و لا کر	۲۸
۱۰۳	قطع	

نیلائی

لوگو! ہک شاعر آیا ہے تاجر و پ بٹا کے
 ڈیکھو ڈیکھو کیا پیا اہدے وچ بازار دے آکے
 وقت پیا ہے تہوں گھن آیاں کل سرائہ چاکے
 سچا ہیرا خالص نگ و ڈیکھو دید رلا کے
 مجبوری دی بھٹی دے وچ کندن وانگ تپا کے
 کوئی بلدی نیئیں جانچو پرکھو آیاں تانگھ لہا کے
 وچ بازار کھڑا ہاں ہتھ تیں خالص مال سجا کے
 بولو! کیا قیمت ہے ایندی ڈسو پولی لا کے

نہ ہاسہ نہ چرچا ہے نہ ٹوک مذاق نہ کھیل
 کوئی دل گھندے بھی دل.....

دل و ہک شاعر واد دل و دل پیا دل از میندے
 دل و الیں کوں دل میڈا پیا دل دے زخم ڈکھیندے
 دل و الواد دل حاضر ہے دل دل دے درد سیندے
 دل سوالی دل دے ناں تیں ہک سوال مریدے
 سوچو! آخر کیوں کوئی پیا دل نیلام کریندے
 دل و آخر دل جیسی شے ہے دل کوں کون دھیندے
 خود کوں پیچ کے دل دے لفظ دی عصمت پیا بچیندے
 کوئی خلیل ذبح اپنے دی و ت قربانی دیندے

ہتھ تیں دل و لب تیں کھل و رکھ کے ہاں تیں سل

..... کوئی دل گھنڈے بھی دلا

ترس دے تمنے کوئی نہ بخشے ہے کوئی نہ کرتے
 منان زاریاں دروہیاں قسماں گھٹے کوئی نہ دے
 میڈی مرضی میڈی شے ہے پڈے بھانویں ترے
 تنگ جو تھی گیاں میڈا کیا کوئی چوے بھانویں مرے
 خود غرضی نیں مجبوری ہے کہیں دا ہاں تاں مھرے
 کہیں کوں ایجھا ڈکھو پیا بھیندے آدے قیمت بھرے
 پتھر نیں اے ہتھ دھوچ دل ۽ میں توں کوئی نہ ڈرے
 یار و تاں جرات پکڑو جہڑا جتنا پھرے

بولی ڈیوایں بولی چرچ میں آپ دی ہاں شامل
 کوئی دل گھنڈے بھئی دل

کتنے تلخ زمانے میں چپ چاپ بسر چاہتے
 کہیں کوں ہنچوں نیں ڈکھلایاں دامن تر چاہتے
 بجلیں نال گزراے کیتے کچھیں شر چاہتے
 گھر امید دا خالی ہا بند ا دندا در چاہتے
 دل دا دسدا شہر میڈا مجبوریں بر چاہتے
 ہتوں میں اپنی ہر خواہش کوں شہر بدر چاہتے
 یاد کہیں دی چھدی رہ گئی دل پتھر چاہتے
 اکھیم توں کیوں رہ گئیں اتھاں تیں کیوں گھر چاہتے

توں دی ڈیکھ تماشہ میڈا توں دی بہر نکل
 کوئی دل گھندے بھئی دل

دل جہیں چن دی مست چکوری آخری وار لا گھن
 ڈھیر جیتی ہانویں دل دی ویندا پی مُکلا گھن
 سانجھا دردِ تیدا میدا روح آکھی پرچا گھن
 ممکن ہے ول وقت نہ ملے گل گل نال ر لا گھن
 اکھ دے چور ولکھے بند کمر دُر نایاب بچا گھن
 ضایو نہ کر گھیں آسن پلکیں ہیسٹھ لکا گھن
 معاف کریں مجبوری ہے بس ہتھ پیریں توں چا گھن
 یاد دہی تیکوں آکھیا ہامی اپٹا راہ وٹا گھن

میں آوارہ شاعر ہوں میں بے گھر یہ منزل

..... کوئی دل گھندے بھٹی دل

دل نہیں تیرا حق وی ہے میں حق دی گال مینداں
 دل میں میرا حق وی ہے میں اپنا حق جنترو نیداں
 لفظ نہیں ملدے کیا آکھاں پیا کور دے لیے دیتداں
 آپیں سوچ جو کت گاہوں پیا دل جہیں ستر و چنیداں
 اپنی بگ دے وارث کیتے ترکہ پیا پچو مینداں
 پتھر زاد مجھیں کوں ہک شیشہ پیا ڈکھلینداں
 دھرتی واسو! سٹو سٹو پیا اک دو تین کر پینداں
 ہے کوئی ہک دل والا اینجھا بکھو مل ڈسینداں

”نہیں نس دے چہرے کیتے ہک بے فکری کھل“

..... کوئی دل گھندے بھٹی دل

سن اے وقت! توں شاہد میں کہیں یارِ دادم نہیں دیا
 اپنا سینہ خالی کیتے کوئی محرم نہیں دیا
 کہیں دامنِ خلوص، محبت، بھیم، بھرم نہیں دیا
 قسم، لوحِ قلم دی میں کہیں حالِ قلم نہیں دیا
 غم دنیا دے ویرھ گئے پر پیارِ دا غم نہیں دیا
 مردِ اسودا کیتے کہیں دا نقشِ قدم نہیں دیا
 اپنا سیت از یاکم کہیں دی زلفِ دا خم نہیں دیا
 دل جیہاں کعبہ دیا ڈتے او شوخِ صنم نہیں دیا
 دل دیکھے پر نہیں دیا کہیں ہے رخسارِ داتلے
 کوئی دل گھنڈے بھی دل

کافی

دلڑی نہ سکھڑیں چون چٹ
کت دا کریندیں مان ہٹ

ہئی یاد جاں گئی مانویں تھڑ
سجھائے تیں ویدی مانویں چڑ
شکے تیں پوندی مانویں بھڑ
لدھا مانویں کئی ایتھا ترڑ
ویدی مانویں جوں جوں وگڑ
بکھ ہوش کر کئی بگال سن
کت دا کریندیں مان ہٹ

اتر او اونیوں کر گیو
بھولی انگارے بھر گیو
گھت گیڑ گل دا شر گیو
چاہت دا گھر مھتی بر گیو
ہر آس سکھ دی مر گیو
ہٹ تہاں کیلجہ تھر گیو
گا تہاں ہی ول ہوندے گن
کت دا کریندیں مان ہٹ

ٹرپیں ایویں سُن سکھتی کو رکھیا نوی گئی خوف بھو
 دس جئے تی ہن تلی تیں جو ہے جگ دی ایویں ریت رو
 تیرھیں وہیں ڈاڈھیں داسو میڈے ایویں بکس نہ پو
 اپنی کیتی میکوں نہ چٹن
 کت دا کریندیں مان ہن

دشمن تہاں گھندے پور ہن ڈینڈے چنوا تیاں سور ہن
 گردش دی ڈہے ٹور ہن کپ گھندے اڈ دی ڈور ہن
 ہن وت تیبڈے کہیں شور ہن اکھیا نہ ہم شہ زور ہن
 اینجھاں کچیاں تندوں نہ وٹن
 کت دا کریندیں مان ہن

ٹر گئیں دے پیرے ڈھک دی ٹر و دی تھک تھک دی
 راہیں دی مٹی پھک دی امیں دی جا گھن اک دی
 انگلیں کوں پاہن چک دی جا جا دیاں ٹوٹک دی
 نو، نو، اتے در در تیں ڈٹن
 کت دا کریندیں مان ہن

گیت

اے راجہ حسن داسد راج مانٹیں
کبڈی پھیرا پاؤں غریباں دے ویڑھے

میکوں ہن ازل توں تیدیاں انتظاراں
بہاراں اچڑ بگیاں ولاڈے بہاراں
تیدے باجھ ماہی میں کیویں گزاراں
بہوں مٹھئے نی رقیباں دے ویڑھے

اے سائون دے بدے وی کئی بھاہیں لاگئے
تہاکوں تاں رنگلے محل راس آگئے
لکھاں جھڑ غماں دے میڈے سر تیں چھاگئے
اچڑ گئے اساں بد نصیباں دے ویڑھے

اے اغیار ویری مریندے کئی ٹوکاں
بہوں دور و نچ کے وسایونی جھوکاں
میں اٹ پھیرناں ہی کیویں کہیں کوں روکاں
ایویں سکدے ہنگے قریباں دے ویڑھے

توں ناں من خدا دتے ول اڈا ہیں
میکوں داروں بلیا نہیں کئی کتھا ہیں
میڈی سو نہتاں سو ہٹا کئی تیں باجھنا ہیں
میں چو گوٹھ پھیریاں طیبیاں دے ویڑھے

تیدے پیار دے میں گھد بہوں سہارے
تیکوں نڈیسن تیدے یار پیارے
مگر سر تیں چھا گئے اندھارے اندھارے
جو رل گئے کئی شاہد جیباں دے ویڑھے

سنہرا

کوئی ونج کے اکھ میڈے دلر باکوں جوتھئے ہوئے اقرار پالن دے ڈینہ ہن
تے سالیں دے چھڑے وچھوڑے ریہ تاریں سوئیں کون دے ڈینہ ہن

اوہ تیں دیاں جڑیاں تے ویران برباد غلگین جاہیں دُعاں پیاں ڈیندین
میڈے اجڑے دل دیاں اکھ روز پر سوز دل دے آہیں دُعاں پیاں ڈیندین
تیتے ناونوں وکدیاں تیتے راہیں ٹکدیاں اے سکھیں پیاں ڈیندین
جنہاں کون تیتے اقرب حاصل نشن ہوا او بے چین باہیں دُعاں پیاں ڈیندین
تے شام جتھ عام ہن تیتے جوتے او گنگد ام راہیں دُعاں پیاں ڈیندین
جیہڑاں کھڑ دیاں کھڑ گین بڑ گین سیاں او پیکھیں راہیں دُعاں پیاں ڈیندین
وے لاغرض دھولا نوئی ترس آندا اوکھتے کون سچکھا جھالن دے ڈینہ ہن
کوئی ونج کے اکھ میڈے دلر باکوں جوتھئے ہوئے اقرار پالن دے ڈینہ ہن

زمانہ گزر گئے مگر یاد ہے پیامیکوں ج وی تیدا او پہلا الاونٹ
 نظر ناظرین دیاں نظراں ملاونٹ ولا شرم کولوں چا نظراں تھکاونٹ
 او چاہت دے تلمبار اقرار کیے تیدا امنہ لکاونٹ سوں سر نہ چاونٹ
 او الفت دیاں تاتاں او چند روکیاں تاتاں الوین بٹھیں بٹھیں چا تین دھماں
 او عشوے او غمزدے او شوخیاں او تلخیاں او خمرے نراکت تے ول فل سہاونٹ
 او چاہا کے قماں او ڈٹے کے دوہیاں تے کر کے منساں میڈا ول مناونٹ
 او سب ناز خمرے پرائے تھے ہن لوں ناز خمرے دکھالٹ دے دینہ ہن
 کوئی ونج کے اکھ میڈے دلربا کول تھے ہوئے اقرار پالٹ دے دینہ ہن

تیداے باجھ بساں نظر دین بہاراں چڑ گئیں بہاریں تیں احسان کرونج
 تیداے خواب سکوں سمٹ وی تیں ڈیندے اسان بے قرار تیں احسان کرونج
 جیڑھیاں لکشاں بن کے جڑیاں گیاں بن انہاں گنہاریں تیں احسان کرونج
 تھی بچیں روپین تین میڈے انہاں ابشار تیں احسان کرونج
 تیداے ناں کون جم جم تھے صفے قم قم میجاہاریں تیں احسان کرونج
 بے ترتیب والیں اصدوہ توں کوئیں دیں بھیں قطاریں تیں احسان کرونج
 تول ڈیکھ کوئیں وی ل بھر پاتے جو اے دینہ تاناں سخی لعلن دے دینہ ہن
 کوئی ونج کے اکھ میڈے دلربا کول تھے ہوئے اقرار پالٹ دے دینہ ہن

تیبیاں کھلاں پیاریاں، گھنٹن پھل ادھیاریاں تے کلیاں کنواریاں سکن دیکھتے
 ازل دیاں ازاریاں میڈیاں متناں زاریاں تے مونجھاں مونجھاریاں سکن دیکھتے
 اڈن دزگاریاں اے روگی بیماریاں، مگر بے قرار یا س سکن دیکھتے
 ہجرناں یاریاں کیوں روگزاریاں اے ساریاں دیاں ساریاں سکن دیکھتے
 کراں دزتاریاں تے دیواں بوماریاں اے جاہیں پتھاریاں سکن دیکھتے
 امیدیں اواریاں تیبے ناں توں واریاں میڈے سکھ دیاں واریاں سکن دیکھتے
 ایں چیکل رستوں تھہ دے وچ تھہ اڑا کے جو نگلیں تین دکھ کو کھڈاں دے دینہ ہن
 کوئی ونج کے اکھ میڈے دلربا کوں جو تھئے ہوئے افسار پالن دے دینہ ہن

اے سبک دے محل تے شبنم دے موتی تیبے نازہ محو خرامی کوں سکدن
 صنوبر کوں سک سکے تیبے سک چ سدھے سرف سیں دی سلامی کوں سکدن
 اے قمر دیاں ٹھریاں اے کو کو اے پی پی ازل توں تیبی خوش کلامی کوں سکدن
 کلی داتبسم پھلیں داتکلم تیبی کھل دی قید مدامی کوں سکدن
 عروج تریاں تے کہکشاں وی تیبے نفیس پادی سلامی کوں سکدن
 تے تقدیر میڈی دے لوح و قلم وی فقط تیبے اسم گرامی کوں سکدن
 نہ سک دے سکیں کوں سکاسو ہناسا توں سکدیں کوں سکھ تیں بھگالن دے دینہ ہن
 کوئی ونج کے اکھ میڈے دلربا کوں تھئے ہوئے افسار پالن دے دینہ ہن

پیار

پیارگوں پیاس پیاس پیاردی، پیارتیں ترس کھا زندگی پیار کر
 زہروی جسے ملے اونکوں خوش تھی کہ پی ہر مصیبت کوں خوشی پیار کر
 یارتاں خیر ہر حال وچ یار بن چس تاں اسے جو غیریں کوں وی پیار کر
 کیا خبر فل نہ مہلت ملے پیاردی آپ دودھ کے اونکوں آخری پیار کر
 ہر کلی تیں اس پٹیاں پا پیاردی ہر اُڑدی خزاں تیں بہار آؤ نے
 تھنہ دار تیں وی ایویں کھل ڈکھا موت کوں وی تیدی کھل تیں پیار آؤ نے

زندگی یاد رکھ پیار ہی زندگی پیار وچ اپنے پیاریں کوں تسکین ڈے
 دل دے دیا کوں کر سو نہاں طوفان دا اکھ دے کتے گناہیں کوں تسکین ڈے
 اپنے دامن دے نایاب موتی لٹاتے فلک دے ستاریں کوں تسکین ڈے
 پیار دے رخت دی شبنمی چھاں تلے جگ رل دیں اواریں کوں تسکین ڈے
 ٹھیک سے "ڈے دا گھن" ہونڈے دنیا اندر پر اس دستور وچ تھوڑی ترمیم کر
 زندگی! اے ضرورت ہے اس درد دی اپنے اخلاص کوں مفت تقسیم کر

زندگی! غور کر ڈیکھ کیمنات وچ ذرے ذرے کون ہے آرزو پیار دی
 ہر نگر ہر گلی ہر چمن ہر کلی ہے طلب پیار دی جستجو پیار دی
 توڑے کچھ تھی دے کچھ بھلا تھیوے کیوں؟ جے تیں محفوظ آبرو پیار دی
 ہر صورت صورت کسے پیار دا اینجی تصویر بن ہو بہو پیار دی
 تلخیاں پی کے امرت پلا پیار دا پیار پیتم دی دل بھی تفسیر کر
 شہجھاں بن کے ممتاز دے پیار وچ پیار دا اک نواں محل تعمیر کر

پیار دے محل کوں بر محل زیب ڈے پیار دی تاج پوشی دا اعلان کر
 چند تارے ہوا ہن اے کمی تیدے انھاں کمیں نکمیں کوں فرمان کر
 ساری دنیا کوں دعوت دے ایس جتن دی پیار دی پاسی ہر قیاس احسان کر
 پیار دی مست مے گردشیں کوں پلے تلک کوں قوں مخصوص مہمان کر
 گردش روکنے بے ادب وقت دیاں وقت کوں اکھ ڈے سرنگوں تھی دے
 گھٹ توں گھٹ اتنا احتیاط دے لازمی شہنشاہ کن کسے فیکو تھی دے

زندگی! پیار دے جتن دی رات ہے کئی نواں نازخزہ ادا پیار دی
 اذن گھن شہنشاہ معظم کنوں پیار دے ناں تیں کر ابتدا پیار دی
 بزم ترتیب دے حسن ترتیب وچ اکھیں اکھیں دے وچ مے پلا پیار دی
 گھن دے عا پیار دی کر ثنا پیار دی بر ملا پیار دی بے ریا پیار دی
 ظرف کوں ڈیکھ کے کچھ عنایت کریں کوئی دشمن ملے تاں خطا بخش دے
 جے خدا مل دے بندگی کر ڈکھا کوئی بندہ ملے تاں خدا بخش دے

تمنا

اے کاش کبھی وقت کرے، اتنیاں رعایتاں
 پڑھ ڈیکھاں ولا پیار دے قرآن دیاں آیتاں
 کتھ بگین او جذبے او محبتاں او روایتاں
 لوکیں کنوں سُن سُن میڈے اجڑن دیاں حکایتاں
 احباب کریندن جڈاں سُدھرٹ دیاں ہدایتاں
 تر تر کے ہے ڈہی میڈو محروم تمنا
 ہے، ہے !! دو میڈے پیار دی معصوم تمنا

بک لحظے کیتے میکوں وی بک لحظہ ملیا
 جین دل کنوں مفہوم تمنا دا پچھیا
 تفسیر کریندیں ہوئیں دل روند ا رہیا
 بک قطرہ فقط، منج دا پلکیں تیں کھڑا
 کنبد ا رہیا پلکیں تیں نہ پر بھوئیں تیں ڈھٹھا
 ہوں قطرے دا دراصل ہے مفہوم تمنا
 ہے، ہے !! دو میڈے پیار دی معصوم تمنا

اُج وی یس ایں دُنیا کنوں کجھ لُحظے چُر اِکے
 بے درد زمانے کنوں وی خود کوں لُکا کے
 دِل اپنے دے گل نال یس گل اپنا رِلا کے
 وُج لنگھداں اُوندے کوچے وچوں سرکوں جھکا کے
 ڈیندا ہاں مُکاٹاں اُونکوں رو رو کے رُوا کے
 وسدی ہئی اتھاں ہک میڈی مرحوم تمنا
 ہے ہے !! وو میڈے پیار دی معصوم تمنا

قطرہ

وِج تصوّر دے جوڑ سیجاں کئی
 سوہنے سائول دے نال سُم گھنداں
 وسدے ویلھے جو یاد آندے ہن
 اپنی بانہیں کوں آپ چُم گھنداں

گریبان

میں سوچیا نا جو توڑے کئی کچھ پیاکھے
 اے ٹھیک ۶ جو ساہ دا کئی اعتبار کینی
 میسا توڑے تیڈے درڑ کے آون
 منا کے رسا وٹ رسا کے منا وٹ
 میں ڈر ڈر کے اکھیا جو ما ڈر دے مارے
 تیکوں اپنے اقرار اصولوں نہ بھلسن
 تیکوں اپنے اعتبار اصولوں نہ بھلسن
 تیکوں اپنے بیمار اصولوں نہ بھلسن
 او اصرار تکرار اصولوں نہ بھلسن
 تیں اکھیا ما سرکار اصولوں نہ بھلسن
 میں اعتبار کر کے اے سمجھے جو ٹھیک ۶
 میڈے پیار وچ میڈا چن دی شریک ۶

میں سوچیا نا توڑے قیامت جو آوے
 دے وقت قاتل دی کانی جو گل تیں
 توڑے کہکشاں کیوں نہ اچڑے کہیں دی
 توڑے محل کہیں دے جتی اچھے تھیون
 میڈا سیت، تیڈیاں پریشاں زلفاں
 تیڈیاں میڈیاں چاہیں تاں محفوظ رہن
 مگر ساڈیاں باہیں تاں محفوظ رہن
 مگر ساڈیاں راہیں تاں محفوظ رہن
 ساڈیاں چھپڑیاں چاہیں تاں محفوظ رہن
 جے نکھڑے کڈاہیں تاں محفوظ رہن
 تیڈے پیار میں اتنا اعتبار کیتم
 جو کئی وار خود آپ کوں پیار کیتم

میں سوچیے جو دُنیا غلط اکھدی ہے
 بھلا کیوں ممکن ہے جو دل دے گھر و تح
 تیں ہر موڑ تیں میگوں اعتبار نہ خستہ
 محبت دی ہک اپنی انج سلطنت ۶
 محبت ازل توں شہنشاہ مزاج ۶
 محبت توں ڈاڈھن رواجیں دے پہرے
 رہن نت جھڑکل پہاچیں دے پہرے
 جو کجھ کرنیں سگدے متھاجیں دے پہرے
 جتھ ہن اونے اپنے مزاچیں دے پہرے
 نیں سہندی نواہیں تے راجیں دے پہرے
 محبت دے مرکز دا کعبہ جدابے
 خدا ہے محبت، محبت خدا ہے

میں سوچیے محبت دا جذبہ امر ہے
 میں سوچیے تیکوں ہک نوں اڑپ ڈیواں
 میڈے نوں شہکار دی ہر ادا تیں
 مگر تیکوں ڈے کے لباسِ خدائی
 پچھیں میں سب دی اپنی کائنات ساری
 عقل اونویں ہر شے کوں تعظیم کیتی
 فقط تیڈی عظمت نیں تسلیم کیتی
 میں اپنے اس جذبے دی تقلید کیتی
 میں ہک نوں دُنیا دی تمہید کیتی
 کنہیں پہلے پہلے تاں تنقید کیتی
 عقیدت توں ول میں تیڈو دید کیتی
 انھاں ساریں سرسٹ تے تائید کیتی

اُول لکھتے اے جذبے لے پیکر خیالی
 اے لب لال، رخسار، خمدار کا گل
 وڈی تلخ تعبیر ہو سی اٹھناں دی
 توں ڈیکھیں انہاں دی کئی وقعت ہو سی
 رکھتا ہوں وی کئی چٹنگ اڈ دی جو اسی
 تیرا مان ترٹ ویسی اوندی وفائیں
 بیٹھا کھارو سیں توں وکسی سوائیں

او بے دور دے لوک ہن کہ جنہاں دی
 اٹھناں اپنا گھر بھوک ڈٹھے تماشہ
 تیرا سارا سرمایہ بس پاک جذبے
 بھلا کیوں اے جذبے پروان چڑھن
 محبت فقط ہے امیریں دا ورثہ
 غریبی تاں خود آپسے کال داتی

تیرے جذبے محتاج اوندی وفادے
 اینجھے چرچے ہوندن امیریں دے ڈاڈے

غرض اوں میگوں وڈے ایج جھک ٹکھائے
 مگر میں تیبی زلف دے خم سنواریے
 کٹھے کر کے ساغر تے مینا نے جگ دے
 سمجھے واری واری تیبی اکھ توں واریے
 تیبے سر و قد کوں میں گل نال لاکے
 خدا کوں سروں نڈرے کھڑکے پکاریے
 میں خاکی میں بیکار جہیں مٹھ مٹھ دی
 مگر فرش تیں عرش کئی کئی اساریے
 میڈے پیار تیں لگے الزام کیا کیا
 میں سب سرتیں چاتے سروں دم چا مارے
 اینجھا محو تھیاں میں تیبی ذات اندر
 نیں ڈسیا ولا کوئی کیناں اندر

ازل توں ہئی فطرت میڈی تنہا تنہا
 میں تیبے تصور کوں تنہائی بخشی
 خضر کوں دی جھٹاں نہ کئی راہ نظرے
 تیبی زلف کوں اینجھی گہرائی بخشی
 ستارے ملا کے جگر دے لہو ورج
 تیبے مست چہرے کوں رعنائی بخشی
 کھٹیاں کر کے قوساں زمین و زماں دیاں
 تیبے انگ انگ کوں میں نگرانی بخشی
 تیبی بے ریا بندگی کیتی اینجھی
 تیبی ہر ادا کوں میں مولائی بخشی
 اثر ہا اے میڈی کہیں باغی دعا دا
 تیبی ہر ادا ورج ہا نقشہ قضا دا

اجاں مست مائی میں تیدیں اکھیں وچ
تے کئی واری کئی حادثے زندگی دے
تیدیاں پیرل پل میڈے سردا سائیں
فقط اکھ دے جھمکن تیں ظالم زمانہ
نہ ساکوں کئی مجبوریاں پیش آیاں
اچن چیت جیتے اینجھے گرد تھی گئے
کتھوں ڈٹھی بجلی تے دل سرد تھی گئے

گھیلے اینجھے جکھڑ مخالف ہوا دے
میڈے پیار کوں کہیں اینجھے ناگ ڈنگے
اچن چیت ملیے جو درد دے دھکے
ودی ڈیکھے ترتر کے ہر کہیں منہ دو
کوئی اینجھی مدہوشی دی نندرستے
میڈے اپنے میکوں سنجائٹن توں رہ گئے

میڈا پیار ہر بار چپ چاپ سہہ گئے
میں سمجھے جو رووٹن میڈا تیکوں بھانگے
تیکوں اپنے ماحول دے طعنے کھا گئے
لٹھے میڈے جذبے بھلا تید اکھا گئے
اوندے طعنے سمجھوں میکوں رت روا گئے
میڈے لکھیں گھر کوں اینجھا جلا گئے

میں کشمکش وچ کئی سال گزریے
تیکوں میڈی محدود دنیا نیں بھائی
چلو تیدیاں خوشیاں تاں مل گئیں تیکوں
عقل غبن موقعے تیں ان چھلیاں سو ریاں
تیدیاں بے نیازی دے بے رحم شعلے
میڈا مان ترٹ گیا ہے تیدیاں وفاتیں
بیٹھا کھارونداں میں رسمی سواتیں

میں اپنی اس قسمت میں شاکر تھی بیٹھاں
 کبھی خیال وچ والے یاد تیبڑے
 تے اچ تیبڑا خط اے میڈے کول تھی وچ
 میں لکھیے جو تصویراں میڈیاں ولادے
 میں آخر دے وچ کجھ ایجھے لفظ لکھیے
 ایسا اپنے خوابیں دی تعبیر سمجھی
 تاں میں وقت ظالم دی زنجیر سمجھی
 تیبڑے نوں ڈٹ دی کئی تدبیر سمجھی
 میں ہر شے تیبڑی، تیبڑی جاگیر سمجھی
 جنھاں وچ میں خود اپنی تحقیر سمجھی

نہ صرف آپ کی نہ "تمہاری" دے شرفن
 میں سمجھے جو مل گئے کہیں بے کول اے شرفن
 میں وقت دی تیبڑے حکم میں آیاں تیبڑو،
 تیبڑے رخ اتیں ڈیکھ غازہ خوشی دا
 تیبڑے ہتھیں میں ڈیکھ لالی جنادی
 تیبڑی چال وچ اجنبی بانگین ہے
 میڈی کسمپرسی دی اے انتہا ہے
 میکوں تیبڑی پہلی وفا یاد آ گئی
 میکوں اپنے گھر دی سوا یاد آ گئی
 میکوں اپنی کوئی دُعا یاد آ گئی
 میکوں بندگی دی سزا یاد آ گئی
 جو توں میں توں پچھیں اے کیا یاد آ گئی
 بھلا کیوں سمجھاں توں ہر شے دیر گئیں
 کینجھی سادگی نال دیر دیر گئیں

تہوں میں شہر دی تیبڑا چھوڑ آیاں
 تباہوں دا میں اپنا گھر بار بھوڑے
 سفرو وچ ایویں کئی زمانے گزر گئے
 میکوں یاد اے ہن ڈٹھیاں سو یاں جاہیں
 جتھاں ڈبڈبٹھاں بلس ڈبڈا بیٹھے
 تیں اکھیاں جو توں نہ رہیں شہر وچ
 گزر گئی ہے اکثر حیاتی سفر وچ
 تے ہک نیہہ وچ پہنیاں "شاید نگر وچ"
 میں ڈٹھے گئی یا گل یا بیٹھا یا بر وچ
 اینجھی گونگی حیرت ہی اوندی نظرو وچ
 ہاں دھوڑ مٹی تے حالت فقیراں
 اوندے ہتھیں ہن اپنے چولے دیاں لیراں

خودکشی

ازل دی پیا سی ہے روح میڈی ابد داپیا سہ ہے پیار میڈا
 پتہ نیں کیوں بے قرار رہندے اے دل اے دل بے قرار میڈا
 پتہ نیں کت دی گواہی چہندے اے تار تن تار تار میڈا
 میڈے متعلق نہ کوئی سوچے کرے نہ کوئی انتظار میڈا
 میں ہک مسلسل سفر دے چح ہاں نہ کوئی منزل نہ کوئی ٹکناٹہ
 کڈا ہیں پیریں تلے ثریا کڈا ہیں سر ہسٹھا بانہ سر ہاٹہ
 عجیب چکر ہے سیت دے چح نہ پیر تھکدن نہ دل آوارہ
 سمندروں ڈونگھا ہے دل دا دیریا نہ کوئی پتن نہ کوئی کنارہ
 زمین تنگ ء فلک بلند ء نہ کوئی رستہ نہ کوئی ستارہ
 نہ کوئی اچ جھک ہے زندگی چح نہ کوئی ٹھوکر نہ کوئی سہارا
 نہ اکھیں رو ندین نہ دل دھڑکے عجیب گمنام جہیں خلش ء
 پتہ نیں میں کیوں اُداس رہنداں پتہ نیں اے کینجی کشمکش ء

اے آرزو ہے کوئی اینجھا محن ملے جو لٹے وفادے ناں تیں
 کوئی اینجھا پیارا میسج ملے جو زہر ڈیوے دوا دے ناں تیں
 کوئی اینجھا دھوکے پرست ملے خلوص منگے ریا دے ناں تیں
 جے ایں نہیں ناں کوئی میکوں خود کشی سکھا دے خدا دے ناں تیں

اے کیا ستم و بھریے زمانے دیوچ میڈا ہم مزاج کسے فی
 میں ساہ دا بکھا ہاں ورنہ دنیا تیں کوئی کہیں امتحاج کسے فی

اوہو شہر ہے اوہے گلیاں ہن اوہے زمیں آسمان ہن پٹے
 پتہ نہیں کیوں پیارے سفروچ اے فاصلے درمیان ہن پٹے
 ٹوٹو جو اجڑن تاں یاریں ایتیں وفادے گمان ہن پٹے
 اچاں سلامت ہے دل دی دھڑکن اچاں تاں خدے ہون ہن پٹے

ٹوٹو جو اجڑن تاں چولے میڈے دی ہکا دھو تیز ہے پٹے
 اجڑن تاں میڈے بدن کوں دی پھیل تے پتھریں دی خمیر ہے پٹے

میگوں ٹیچن داشوق ہے میڈے ظرف کوں آنا کے لٹو
 جو میڈے سینے دے چر سمند ہے پیار دامت آ کے لٹو
 کئی وقت ویلے دی قید نہیں پھر گویا بس مسکرا کے لٹو
 خدا دے ناں تیں مگر میڈی زندگی تیں نہ ترس کھا کے لٹو
 لٹو ایس لٹ کوں ثواب سمجھو مگر ایس ایس لٹن دا ڈاوی سگھو
 اے سوہنے دھوکے پرست لوگو خلوص والی ریاوی سگھو

نہ تجھو میگوں وفادے تمنے نہ دیو صدارت میگوں جنوں دی
 نہ چڑھدے سمجھ دی کرو سلامی کرو خوشامد نہ سچھریں موں دی
 اے زندگی موت کچھ نہیں میگوں کوئی خواہش نہیں ایندی اوں دی
 میں تھک گیا ہاں جو روح میڈی کوں دی ضرور ہے ہن سکوں دی
 زمانے والو! حسین لوگو! اے میڈے پیارو! اے غمگسارو!
 حکم کرو آپ کوں میں خود آپ مار ڈیواں، تیاں نہ مارو!

ہمزاد

میڈا ہمزاد! انج تاں میڈا مان رکھ تیڈے چہرے میں کینویں سچی رہ گیاں
 تو نے کیناں ورتج میڈا کوئی نیں رہیا تیڈے رشتے مگر میں بچتی رہ گیاں
 تیڈی رُس رنج دی عادت جو ہتی خود کوں تہوں کچھ لُسی رہ گیاں کچھ منی رہ گیاں
 میں تکیوں اپنا بھگوان سمجھی رکھیے تیڈے کیتے مگر شتے پرئی رہ گیاں
 تو تیں ماندانہ ہاویں توں سینے دے ورتج تیں جیہاں مفور ملزم لکھی رہ گیاں
 خوف آند جو ہانیکوں آتیں کنوں جاگ کے خواب خود کوڈ کھتی رہ گیاں
 اتنا جا گیاں میں ہر چاندنی رات کوں چند روی میکیوں مجرم سمجھا رہیا
 اتنا خیرات تھیاں میں تیڈے ناں اتے وقت دی خود کوں حاکم سمجھا رہیا

ٹھیک ہے میں یہاں ساہی سولی اُتے نال میڈے سر رار توں وی رہوں
 کھٹ نہ ہا اندھے اسمان دا وار کوئی پر میڈے سر تے لوار توں وی رہوں
 توئیں پیریں دے چھالیں کوں تھل ڈیڑھ گتے میڈی ترہہ اطلبکار توں وی رہوں
 میں جڈن وی ہے دھچی ضرورت کوئی لوگس وانگوں خریدار توں وی رہوں
 میں تاں خود بار ہاں اپنے پیریں اُتے میڈے رستے دی لوار توں وی رہوں
 کیڑھے منہ نال بن تیدڑا شکوہ کراں کہیں نہ مانے میڈا یار توں وی رہوں
 کے توئی سر چالواں تیدڑے پیر توں تیدڑا شکوہ جو خوش نہ گئے ترک تیں
 کیا تیکوں علم ہے تیدڑی در سال تے روندارہ گئے کوئی رات بہوں چرک تیں
 کیا تیکوں علم نہیں غم دے ہر موڑ تے تیدڑی اکھ دا اشارہ رہیا سامنے
 بر نمائشاں دی سکرات سر تے رہی ہر فحروت و سارا رہیا سامنے
 سمجھ سدا کند بچھوں ڈنگ مریندا رہیا اک اندھارا رہیا سامنے
 ہر چھپالواں میڈا منہ چڑھیندا رہیا ہر قدم بکھوتا رہیا سامنے
 تیدڑے قرآن قدوی قسم میکوں تیدڑے سروا سپارا رہیا سامنے
 میڈی قسمت میکوں تار پانی ملیے تیدڑے پاسوں کنارا رہیا سامنے
 تہوں تاں بے وار نا جان کے سر میڈے وقت پیدا دے ساہا سال توں
 توں جیکر نہیں تاں ول میڈے سینے دے وچ کون کھلدا دے ساہا سال توں

بک مانے توں بک پتے توں لکدے ہیوں میں تیڈی ول شیج توں میڈی ول وچ
 ہوئے ہوئے میوں ہولا پھل کر دے زندگی اپنے خوابیں دی بھر تول وچ
 کھوٹا سا سکہ سمجھ کے بھکا چھوڑا ہے وقت میوں ضرورت دے کشکول وچ
 تیڈی شہرت تیڈے پر چڑی رہی دل سمانہ سگیوں توں میڈے نول وچ
 ذات کوں مختلف ناوے مل گئے میں کہیں ٹول وچ توں کہیں ٹول وچ
 پر کھر پر چول معیار بدلیے ایجھے میں کہیں گول وچ توں کہیں گول وچ
 جے کڈی بل وی پتے ہیں کہیں موٹے تیڈے چودھا مخلوق جھم تھی گئی
 میڈیں پلکیں تے لوگیں دے پر آگئے میڈی تصویرت میں توں کم تھی گئی
 تیکوں لوگیں خراج عقیدت دے ہر قدم تے میڈے عیب پھولیے گئے
 اپنا درویں سدا بندرلیے میوں تیڈے کیتے ناں سینے وی کھولیے گئے
 کسی دفعہ حیردی چاندنی رات کوں تندر لٹی گئی خواب روئے گئے
 میڈی وقعت وی کیا میڈی قیمت وی کیا میڈے مل تاں تیڈے ناں توں گھوٹے گئے
 تیڈے قد دے مناسب تصور کیتے حرف تو لے گئے لفظ گو لے گئے
 تیڈا قد دیکھ کے لوگ چپ گئے میڈے کیتے ناں گونگے وی ہو لے گئے
 کتنی صدیں توں سدھراں سجدی ہ گیاں تیڈے بے سمت پیریں رستے دے وچ
 جینویں "ما" سا بھو کے خواب کھڈ بند دی عاپنے ٹھوم پچھے رستے دے وچ

میڈیے مہر مزاد کچھ یاد کرتی ہے خواہیں کچھ میں نذر جھولی ڈتی
 یاد رہتی گونگیوں انگوں تکیندہ انویں میں تکیوں لہندیں لہجیں دی لولی ڈتی
 میں تیری ہر لولی اس دے سر آتے چاندنی چاندنی چینی چولی ڈتی
 کئی دفعہ تیرے غم دے دواغ واسطے سچ سچ دی تے ڈسکیں دی لولی ڈتی
 ہولے ہولے توں ڈراک ٹھیندا کیوں تہوتاں دھکے میڈے دل دی لولی ڈتی
 اپنے مٹھوی توئیں میڈے غالی دیے میں کڈاں آکھیں خیرات تھولی ڈتی
 وقت دی گونگی ڈوی عدالت دے دج پیشین سے کئی پت اج گواہی میڈی
 پوری کینات پچ صرف تیرے سوا کون ثابت کسے بے گناہی میڈی

قطعہ

اساں تاں پنہیں پیت پرتی دے اساں تاں پنہے پیار
 خیر ملے یا خیر ملے سب سانجھی عسار و یار
 سینے وچ بسک ٹردی پئی عترٹ کے ملن دی بسک
 رچ کے چھمکاں ماروے سانول رچ کے چھمکاں مار

سوئے دا ^{۳۹}سمجھ

عزیز شاہد! یقین کر جو ضرور ہک ڈیں او سمجھ بھری
کہ جیندیں کرنیں دے وچ تیکوں اپنی ذات دا سو جھلا نظری
اکھیں دے اسمان تے بہجوں دیاں اے وچھڑیاں گونجاں
نہ اینویں پلپیں دی خُنج اُتے بے قرار رہن

ہزار سالیں دیاں سہمیاں ہوتیاں
لے وسم اپنے دیاں وسمیاں ہوتیاں
لہو لہو زخم زخم روحاں نہ اینویں چپ ڈا شکار رہن
تے تلخ گذران دی ایں تنگی دی قبر تنگی دے وچ جُستے ہوتے
سُوا سُوا زرد زرد چہرے

جنہاں دے گل وچ فقط امیدیں دے سکے سہرے
نہ اینویں گونگے مزار رہن

نہ ڈورے رسم و رواج رہن

نہ سوچاں اندھیاں مُتھاج رہن

نہ چپ گڑپ دی کھیر رہی نہ گھپ اندھاریں دے راج رہن

یقین کر جو ایں کالے ڈانؤھر دے لمبے چمبے دے وِچ

اے فالج زدہ بدن دی کُنواری چاندی

نہ رہی اینویں سدا وِکاندی

اے رات آپ اپنی موت مَرسی

ضرور سونے دا بچھ اُبھرسی

سجا کے چہرے تے سُرخ غازے

نویں تقلّضے، نویاں اُمیداں، اُمنگ گھن کے

اساڈے گل دے لہو دی لالی دارنگ گھن کے

پہلی پہلی فحش سر تیدے بھردی

پہلی پہلی فحش سر ہے تیدے بھردی
پہلی پہلی جدائی دی ہک پہلی پہلی سحر داستارہ اُبھر داپئے
”سک سمندر“ دی آدھی وچوں — بہوں پریں
شوم احساس دی آخری آخری سرحدیں دی بلندی کنوں وی پریں
تھک و بچن و اکنارا اُبھر داپئے
نندر توں چور — بے نور پلکیں کنوں
ترٹی ترٹی تھکن — ترمدا ترمدا جگارا اُبھر داپئے
بانہہ سرانندی میڈی — سمجھ سینہ میڈا
دائرہ دائرہ دور گردن وچوں دور توں ہک نظارہ اُبھر داپئے
میڈے بے رنگ تے کھردرے اسم کوں — اسم اعظم بنا
لکھ ڈکھایا ہاتیں اپنی ریشم جنائی ہتھیلی دے وچ
جلینویں پوہ رات و اچندر بے گھر کوئی
تھی و بچے قید بے در حویلی دے وچ
رات دے آخری آخری پہر کوں — کیوں تیدے پیار دا
پہلا پہلا اشارہ اُبھر داپئے

والیسی دا وی ہٹن کوئی رستہ نہیں
 ساہ دا سودا کراں (ساہ امانت تیڈی، ساہ ضمانت میڈی)
 اپنا ساہ وی تاں ہٹن اتنا سستا نہیں

رات دا آخری پہر! رستہ ڈکھا!

ڈینہہ دا اندھا اندھارا ابھردا پئے
 اینویں محسوس تھیندے جو سینے وچوں درد ساہ دا سارا ابھردا پئے
 جان! آڈیکھ شہ رگ دے شیشے وچوں
 عنم دا چھت مونہاں پتھر گزردا پئے

سو نہہ دے اسمان توں اینویں لہندا پیاں
 کوہ سلیمان توں سر دے بھرنے جینویں ترٹ کے ڈمہندا پیاں
 زندگی! زندگی! آسرا! آسرا!
 خود کشی! خود کشی! اے خدا! یا خدا!
 ڈیکھ یسنے دے وچ کون مردا پئے
 رات تاں خیر جینویں گزر گئی عچن!

پہلا ڈینہہ کتنا اوکھا گزردا پئے
 پہلی پہلی فحشہ تیڈے ہجردی

ہتھ بے صبرے دل بے شول

وحشت چُج گئی گُل دے کول

روح تیں بھڑے زخمیں دی

تنہائی ! دروازہ کھول

سفر ہے تہمتیں دا سوتھ وی نال چیندا پیاں

تنبیہاں انگلیں وی ہن اپنا قلم وی نال چیندا پیاں

میں ہن سوچے میڈی منزل میڈے اندر دھرا

فقط سوچیا نہی پہلا قدم وی نال چیندا پیاں

وقت

وقت ہمارا جہاں بہاریں تیں وقت ہے برگ دی نہیں کھلدا
اے ماں بس وقت وقت دی گالے توں وی اہیں جو وقت نیس ملدا

وقت بے وقت، وقت ملدا ہا وقت توں وقت، وقت پڑاپے
وقت پیاتاں ول اکھیں کھلیاں وقت دیر سی ہے پور گھنڈاپے

واقعہ ہے جو وقت ویلھے کُوں وقت کھلدا ہا، وقت ہا کھلدا
حادثہ ہے جو اینجھا وقت آگئے وقت مل نال وی نہیں ملدا

وقت وقعت جتا ڈتی اپنی
رب وی پابند اپنے وقتیں دا
وقت میں کہیں دارج نہیں ہوندا
وقت کہیں دا مستحاج نہیں ہوندا

وقت وی ابن وقت ثابت تھے
میں سوچینداں جو وقت بھونگئے ہم
تیبیں زلفیں دی وقتی چھاں ڈانگے
کیا ابیں ڈینہہ دے وقت دے سانگے

خیر! بروقت، وقت ڈس ڈتے
میڈی اوقات وی بھلا کیا ہے
تیبے وقتی مستحاج ہن لکھاں
وقت دی میں توں آرزو رکھاں

توں نہ کہیں وقت بہہ کچھ سوچیں
کیا مھیا تیکوں وقت نہیں ملدا
وقتی جرأت میں آپ نادم ہاں
میں تاں ہر وقت میں داخام ہاں

۴۶ نیلامی بند

میں اکھیا ہا لو کو! میں دل پیاد چنیداں میڈا ذہن ہا ہر تجارت توں خالی
مگر مسخرے وقت دے گونگے بک چہ نہیں کوئی پل دی شرارت توں خالی
ایویں انی عہمت جیویں کو دے چہ ہی نہ ہا کوئی طعنہ حقارت توں خالی
وڈے خط لکھیں میڈے احباب میوں ملیے ہر لفافہ عبارت توں خالی
تہوں گئی سینہا کہیں نیں سچایا میڈا ہر سینہا ہا پارے توں خالی
وکنو کر کے دل کوں ایویں خالی تھی گیاں جیویں خواب اپنی بشارت توں خالی
میڈے خواب تاں خیر مہوں قیمتی ہن میں اپنے کہیں پل دی کھل نیں وچنیدا
سنو دنیا والو! میں دل نیں وچنیدا

میں اکھیا ہا سوچو! میں دل کیوں وچنیداں مگر یار لوکیں تماشہ چاہجھے
پڑھیں جوڈو پھریں گوں دھپے قصیدے زمانے میوں تماشہ چاہجھے
ہر اک شخص لفظیں دی خیرات تھے کے ایویں اپنے سودے کوں خاشہ چاہجھے
جیویں میڈے تھہ ضرورت دا کاسہ جیویں اوں میوں صرف لاشہ چاہجھے
جیویں کہیں گلی وچ ایویں رلدا ہو یا کہیں اخبار دا گئی تراشہ چاہجھے
بزاری دالیں تر کڑی چا چاتی کہیں اینکوں تولہ تے ماشہ چاہجھے
اے معصوم جذبیں دی کھل دا سودا میں جذبیں دی معصوم کھل نیں وچنیدا
سنو دنیا والو! میں دل نیں وچنیدا

میں اکھیاں ماکئی ترس تمغے نہ بخشے مگر یار لوکیں سخی و تئیں چھوڑی
 ایڈو کہیں ضرورت کہیں موڑتیں وی انا نال اپنی عداوت تئیں چھوڑی
 اوڈو میڈے کاتے قلم دے شریکیں میڈے کیتے گئی سک سکاوت تئیں چھوڑی
 ڈرینڈے ریمے ڈین ڈکھ آسوں پاسوں مگر جو ملیں اپنی آ، و ت تئیں چھوڑی
 تے ہک شخص جو وسے سینے دے اندر اوں سینے دے اندر عداوت تئیں چھوڑی
 ادب اوں دے پیریں توں دیداں تئیں جاتیاں طلب اوں دے تل دی و ت تئیں چھوڑی
 اوں دے سارے چہرے میڈے اپنے چہرے میں زحار اپنے داتل تئیں وچیندا
 سٹو دنیا والو! میں دل تئیں وچیندا

میں اکھیاں ماکئی دل بے پتھر نہ سمجھو، میگوں غرض دے کھوٹے سکے ملیے ہن
 ستارہ صفت لوک ہن پر انھاں دی جہیں تیں دی کالک دے ٹکے ملیے ہن
 وڈے اچھے طرے وڈے لمبے چغے مگر لوک قامت دے ٹکے ملیے ہن
 انھاں وی تفرقے دیاں ترکیاں وڈائیاں جہاں کوں اکائی دے اگے ملیے ہن
 انسہ تھی کے میں اپنی کنڈ وچ ڈکھالی تاں احباب دے سروی جھکے ملیے ہن
 میں مانوس چہرے کوں دستک ڈتی ہے مگر میگوں در در دے دھکے ملیے ہن
 میڈے یار ہن چا و ہن اپنے چہرے میں کہیں دی امھی ہوئی انگل تئیں وچیندا
 سٹو دنیا والو! میں دل تئیں وچیندا

میں کیا سادے تہج موسمی تیں الانواں فضا جو میگوں زرد بخشی گئی ہے
 میں رستہ چھپے تاں کہیں قافلے دی میگوں منتشر گرد بخشی گئی ہے
 میڈے ہتھ جے اڑیں کہیں فرعون گل تیں تاں اوقابے پرد بخشی گئی ہے
 ایہو اکھ کے میگوں چپ کر ڈتا گئے "تیکوں دولت درد بخشی گئی ہے
 میڈے "مار" نکھتے ہوئے چوے ہا کے کلہپ کو ٹھڑی سرد بخشی گئی ہے
 میڈا ظرف پٹ کے میڈے حرف چٹ کے میگوں جرم دی فرد بخشی گئی ہے
 میڈی نسل قاتل کنوں پور گھنسی میں اپنی "مقدمہ مسل" نہیں وچیندا
 سُنو دنیا والو! میں دل نہیں وچیندا

قطعہ

میں نور اسور دے ویلھے کوں
 ہک تارے نال اُبھاریا گیاں
 ہر سمجھ کوں تیج سُنڑویندا ہم
 تہوں فجر توں پہلے ماریا گیاں

غزلان

ہجر دیاں راتیں ہوون برسات داموٹم ہووے

دوستی دے زخم ہوون دشمنی مرہم ہووے

ہرز ملنے دیاں جوہن محفوظ تصویریاں تیبڈیاں

دل میڈا جینویں تیبڈیں یادیں دا کوئی الہم ہووے

انجھی حسرت نال ہن وسمیاں سوائیں نہ پھلور

توں وی چہندیں دل دی میت تے دلا ماتم ہووے

چندر جیہاں چہرہ متھے تے تلک ہے تارے جیہاں

ساوا بو چھن ہے جینویں کہیں دیں دا پرچم ہووے

آئی رت سالون دی وت پیلپیں دی چھت ترمن لگی

مینہ وٹھا کرٹ من جینویں پازیب دی چھم چھم ہووے

او خوشی دا کرب ہوئے یا حشر کہیں مُو بخھ دا
 وقت کول ضد ہے جو ہر پہلی دا اپنا غم ہوئے
 جھنڑک ڈے چھپس کہیں بیٹھا ہیں کیوں وکٹ دے بعد
 کینجھی حسرت نال اکھٹیس ”سیں متاں کوئی کم ہوئے“

قطرہ

اجن میں آپ ہاں اپنی سنجان وچ مہر و
 اے اجنبی! تیکوں آٹو گراف کیا ڈیوالے
 میں اپنے قتل دا خود آپ عینی شاہد ہاں!
 بھلا گواہی میں اپنے خلاف کیا ڈیوالے



و سیمے ہوئے آسمان میں ہک چند روت پلدا کھڑے
میدے وانگے اے وی اپنے شہر پرچ کلھا کھڑے

میں تاں پاگل ہاں میدے چرے تماشے رُزے
ہر کوئی ڈیکھے مگر ہک شخص کیوں ڈہدا کھڑے

کتنبیں صدیں توں خدا انسان دے شیشے دیوچ
اپٹا چہرہ ڈیکھے کے خود آپ کوں پڑھدا کھڑے

بہخ دا ہک قطرہ ہے میدے پیارے سچ دا ثبوت
شوفے سچ آکھیا تاں ہے سچ آکھ کے کنیدا کھڑے

ایجھی وحشت ہئی جو لفظیں دے بدن چھڑ پھج گئے
میں جدن چپ تھیاں تاں اوں پچھے اے کیا ادا کھڑے



نہ سجا میڈیاں اکھیں اپنے حسیں چہرے دے وچ
کیوں کر بندیں قید پتھریں کوں سچن شیشے دے وچ

اٹ سو نہاں تھی کے میڈی چپ کوں تماشہ نہ بٹا
نبدی رسوائی وی شامل ہے میڈے چہرے دے وچ

مرگیا بزدل مگر خسرو داسر نیں گھن سگیا
اتنی جرات کیوں نہ ہی فرما دے تیشے دے وچ

میڈا سرمایہ فقط ہک کھوٹا سکہ سمیت دا
پلو وچ سا نہی وداں ماند اجو نیں کھیسے دے وچ

سارے پُچ منظر دی تیلے چٹیاں چوٹیاں وی تیلے
رہنڈے ہک چند تاراں میڈے پکھے دے پُچ

کیں ایندیں معصوم سوچیں کوں ڈتے بکھ دا شعور
ذکر کتیں قید دانا زنج دے پرچے دے وِش

اتنی شدت نال میڈیاں کھر دریاں انگلیں نہ چم
مرو بچے متاں میڈا وحشی قلم سکتے دے پُچ

اے میڈی وحشت دا سمجھ حالی میڈے سرتوں نہ لہہ
لحظہ کھن تاں بہن ڈے میکوں میڈے سائے دے پُچ

پچھ اُکھاں دی اکھ کنوں کیا ہن جگاریں دے عذاب
ڈیہنہ دے اندھے تھی ویندن جورات دے چنتے دے پُچ

”سوھلیں دے شہر“ پُچ ہر شام سمجھ اہدے میکوں
اگزاروں رات ہک شاہد تیلے دے پُچ



تیڈی یادیں دے سمجھ جو لہہ گئے ہن
 اندھارے رات نچدے رہ گئے ہن
 جنہاں دی ذات ہئی کینات سانجی
 پتہ نہیں کیڑھی چٹدے پہرہ گئے ہن
 ہوا کھل دی میں تیڈی "جی" توں صدقہ
 مسافر تھکیڑے لہہ گئے ہن
 جے ڈیکھاں، ہن تے صحرا اکھیں دے
 مگر سوچیاں سمندر وہ گئے ہن
 نہ او گل ہن نہ او جھتاں تھیں دیاں
 فقط پیریں دے چھالے رہ گئے ہن

چلو لفظیں دے یوسف و تاج دیکھوں
 سینے سے نرخ چپ دے دہ گئے ہن
 انہاں کوں حشر دی حشری واکیا غم
 جیڑھے فرقت دے صدے سہم گئے ہن
 ساڈی بے کسی دے نال شاہد
 فلک دے لاڈ آخر ٹھہر گئے ہن

قطعہ

میلے متھے دے سیت ڈس پونڈن

اے اندھارے دی سیت ڈس پونڈن

سو جھلا دی عجیب لغمت ہے

لوگ چہریں سمیت ڈس پونڈن



اپنے پچھلے اُدھار بھل گئی ۽
خود کلامی خسار بھل گئی ۽

رات یک چاندنی میڈے تن تے
اپنی چٹی لوکار بھل گئی ۽

بے کسی چاکے جنس یادیں دی
گڑتاں پتی ۽ ہزار بھل گئی ۽

کوئی نشانی اے سر پھری وحشت
میڈے سر کوں دیوار بھل گئی ۽

دل! ولا پھیر منج دیاں تہیحاں
کو منج کوئی قطار بھل گئی ۛ

جاں سینتے دین وقت و بھلی دے
ہیر روح کوں تنوار بھل گئی ۛ

قطرہ

مہن تہاں یاد دی کیہی آنج دی شام کیندی ہئی

ہنچ کڈن دی رُس گئی ۛ اے ملام کیندی ہئی

وقت پر نیں لٹ سبکیا تہی پڑی مونجھ من کنوں

لٹ دی کیویں سبگدا ہا آم شام کیندی ہئی ؟



قول، قسماں، قسداں مَہل گئی ۽
 ہیک سفر دے سَمان مَہل گئی ۽

بھانویں بے ٹل گیا جنم اے دی
 زندگی دت دکان مَہل گئی ۽

ٹھوکراں کھا کے سر پھری وحشت
 دل تاں آئی ۽ مکان مَہل گئی ۽

اوندے لہجے دیاں تلخیاں توبہ
 زہر ذیقے زبان مَہل گئی ۽

دل میگوں پئے جنم دی پیشی ٹے
بے گناہی بیان بھل گئی ء

سال دل اے مگر طلب تیریدی
ایں دفعہ امتحان بھل گئی ء

زلف زنجیر نال چاتی وینخ
میڈی باہر تے نشان بھل گئی ء

دردی دستک دی کوہن ہک تلی
اپنے گھر دا دھیان بھل گئی ء

میں رتو کا سحر دانا نگھی ہاے
شام اپنی امان بھل گئی ء



وقت دے لیجے دے وِچ جے کجھ لچک آنون لگے
دوستو! سمجھو جو تسی کوں پک آنون لگے

آو بچتوں سانوں کوں ایس گنڈیل رُت دے زہرتوں
کیا کر سیو ول جڈاں امیس توں اک آنون لگے

شیت تھی گئے کھو کھلا سینہ ضعیف اسمان دا
سمجھ میڈی دھرتی دا تھی لولہا لپک آنون لگے

بھر داویندے پھر کولوں کچّا کوٹھا ذات دا
جسم دی دیوار کوں اندر دے دھک آنون لگے

ٹیک ڈے میڈی انا دے ڈ بندے نئے آسمان کوں
 بچ، ستارے ہن تال میڈے پیر تک آون ٹ بگے

آسمان بچ میڈے سینے وچ کچھ اینجھی سُر ت نال
 میکوں میڈے ساہ کنوں تیدھی مہک آون ٹ بگے

○

قطرہ

پڈی شام کوں روہ دے سرتوں جیویں لاٹ نکلیا ہے

مونجھ تیدھی ہن کہیں کہیں ویلھے ہاں وچ ایویں پلدی ہے

چکی پیہدیں لولی ستر دیں ماء جھولی وچ نندر آگئی

روح کوں لولی نیئیں و سری پئی اونویں چکی چلدی ہے



سرتوں ڈھلے ڈیکھ بچھانویں شام توں پہلے
شالا وقت کرے ول آنویں شام توں پہلے

روندیں روندیں سمجھ دے نال روانہ کیتم
ول سبگدیں تاں ول کہیں ترانویں شام توں پہلے

ساڈے تن دیاں تار دیواراں ویرھ گھدیاں ہن
چار چدھاروں لونڈے کانویں شام توں پہلے

سکدے پئے بن خالی صحن حویل اکھیں دے
اللہ بھانویں پیلاں پانویں شام توں پہلے

اساں اگوہیں قصے چلتے آس تیدپی تے
 ساہ تھی بگتے ہن سائوئیں لائوئیں شام توں پہلے

ساڈے سرتے رات آگئی ع توں وی کتے فی
 جان! اگے ول آندا ہائوئیں شام توں پہلے

اساں تاں شاہد آٹوٹ والی رات دا ڈکھ وی
 لکھ چھوڑیا ہے تیدپے نائوئیں شام توں پہلے



مکمل قرب و جوی اینجھا پیل درمیانِ ہر دیندے
کڑی کلہا ولا ملدے تاں دل حیرانِ ہر دیندے

میں اپنا ستواں دروی بند کر کے شہر دوڑیاں
مگر کہیں کہیں و لیکھے توں کہیں دادھیانِ ہر دیندے

میں چٹنے گیاں اوند اسایہ اونویں رہ گئے میڈے سرتے
جو ہر دھرتی دی کند تے کئی نہ کئی آسمان رہ دیندے

جڈن وی او ملیے دس پتے میڈے ساہ ساہ تے نس نشیج
مگر اندر داکئی کونہ اونویں ویران رہ دیندے

میکوں کیا علم تید اغم فجر دا کن تے ٹر گیا ہے
لے سینہ تاں سراں ہے کئی کئی مہمان رہ دیندے

نہ منگ سانون جوت دریا کوں ڈھا لگسی، اجڑو لسیوں
لے سستیاں دل نہیں سدیاں بھپیں گستان، وہ بندے


لے میڈا لال بتیں اپنے حوالے یاد خود رکھن
جو ہر یک دور دی تارتی کوں نسیان، وہ بندے

قطعہ

اکھیں اداس دسدن پسیاں ڈوئیں دیاں نم ہن
تیڈے وی اپنے غم ہن میڈے وی اپنے غم ہن!
نہ میں پچھاں نہ توں بچھ کیوں گزردی پئی ہے
تیکوں دی ڈھیر کم ہن میکوں وی ڈھیر کم ہن



اے سچ تاں ہے جو اوساہ سہاہ دے وِج سما یا ہے
 مگر میں پڑواں میڈا اپٹا ساہ پرایا ہے
 اندھاری رات کوں وت کوئی درپیا کھر کیندے
 اے کسی! ذرا ونج ڈیکھ کون آیا ہے
 ہجری رات دی چھپی ہئی رات ناں تیدڑا
 ایں کال والی کوں اے کلمہ کیں پڑھایا ہے
 توں آنویں ہاتاں دی منجوں سلام ڈیون ہا
 توں نیں جو آیا اسّاں جشن چا منایا ہے
 توں میڈی اکھ ہیں میڈی ہنج ہیں میڈا سانوں ہیں
 میں مرونجاں میڈے سانوں کوں کیں رُویا ہے



کیوں بھلا کہیں دے ستم کہیں دی جفا یاد کروں
آپ کوں یاد نہ لے غیر کوں کیا یاد کروں

یاد آسن اوہے ویلھے تاں ولا رو پوسوں
جان! کیا فیدہ اوہے ویلھے ولا یاد کروں

وصل تاں خیر ہے خیرات نصیبیں دی سچن
روندیں روندیں کینویں تھتے ہا سہ جدا یاد کروں

کتنی سچی ہئی قسم پیار دی پہلی پہلی
پیار دی پہلی قسم پہلی دُعا یاد کروں

چٹنگ چولے کوں لگی خواب جلیے گھروں جلیا
چٹنگ کوں روو یا خوابیں دی سوا یاد کروں


نہ او ہو دل نہ ہتھیلیاں نہ ٹکے میندی دے
 دل کوں روووں یا تیدے تھہ دی حیا یاد کروں

پڑ کوں گولن اوتی دھپ تے اکھین بند کرے
 پڑ ملے یا نہ ملے کہیں دی سزا یاد کروں

کیں لہی تیدے سرتوں میڈے خوابیں دی دا
 آتیدے چہرے دی معصوم حیا یاد کروں

قطعہ

زندگی کوں بڑے سہارے ول سہارے ترٹ پئے
 تھوڑی جہیں ہک ٹھیس تیں سارے دے مارے ترٹ پئے
 بہوں وڈے عرصے کنوں چن حال پچھیا خیر دا
 میں آجاں پولیا نہ ہم تے دُستارے ترٹ پئے



دلِ تاں دلبرِ ہا پر ایں دلبرِ کوں دلِ بر کر ڈتے
خود وی تھکے بے تڑتے اوں میکوں وی بے گھر کر ڈتے

کون کُٹ گیا ہے میڈے سینے دے اندر دا گداز
کینجھا پتھرِ ہا جو اوں میکوں وی پتھر کر ڈتے

ہک مُسافر پل جو پلکیں دے پڑاتے ہر پیا
وا جھلوڑا یاد داتے تاں اوں لشکر کر ڈتے

کچھ قیامت ہا او تیدا ان سونہاں تھی ٹر و سنجن
کچھ میڈے سینے دے اندر مونجھ محشر کر ڈتے

گھر سمجھ کے بن چھے ہک پتن مونجھاں شام دیاں
تیدے غم تاں من میڈا کھلیا ہو یا در کر ڈتے

سائے صحرا ڈھٹم تر آئی رنج کوں پی گیاں
 بس اول ہک قطرے میڈا سینہ سمند کر ڈتے

شام دے سمجھ کوں میں اپنا یار سمجھاں یار قیب
 میڈا سایہ جس میڈی قامت برابر کر ڈتے

نا پھرتی نا ہوند کوں بگل نال لاکے سم گئی
 بے زری وی کتنے لوکیں کوں ابوذر کر ڈتے

اہرا ہا نویں میں تاں ہک پے آب تھل ہاں وقت دا
 کیندی تس عجبیں تیدیں پلکیں کوں ہی تر کر ڈتے



کوئی پل نکھڑ کے دل توں بھلایا نہ تئیں نہ میں
 مل پیوں تاں سکھڑاں مُوہو الایا نہ تئیں نہ میں
 مرگتی ملن دی آس کفن پا کے ہجر دُا
 گھرتوں مگر جنازہ چوایا نہ تئیں نہ میں
 نفرت تاں ہمتی ڈوہیں کوں مگر جان کیا وجہ
 کیتا قبول پیار پرایا نہ تئیں نہ میں
 گل تیدے میڈی ہانہ نہ تیدے ہانہ گل میڈے
 اہم توں پر اسے فولٹھٹایا نہ تئیں نہ میں

پچھدی عورت اُداس جو کتھ ہن نویں لباس
چولیں تے ول کئی سیپ کڈھایا نہ تیں نہ میں

یاریں وی اینویں سمجھے جو دسدے پیوں اساں
کینویں گزردی پئی عڑسایا نہ تیں نہ میں
شیشہ بدن اساں اساں پتھر مزاج لوگ
مرکے دی اپنا سوگ مسایا نہ تیں نہ میں

شاہدی اکھ دے تھل تے تیڈی ہنج داراج ہا
ساوٹ اکھیں توں ول کوئی وسایا نہ تیں نہ میں



ساہ ساہ سنگت، پل پل پہرہ چار چڑھار کھیپے دا
 ڈیکھ زمانہ! ساڈے نال سہے کتنا پیار کھیپے دا
 جسم جرنیہ تریہہ دھرتی تے سالوٹ سالوٹ پیاسا ہے
 اندر ہک بے انت سمندر و ہندے تار کھیپے دا
 آخر کہیں نہ کہیں دی ہانہہ دی ٹیک ضرورت بندی ہے
 کلہیں سر تے چوٹیں سگدا کہیں توں بار کھیپے دا
 کوئی متھل دی کوئی تار چنا نہہ دی کوئی تیشے دی موت موئے
 ہر کوئی اپنے اپنے سر تے سہہ گتے وار کھیپے دا

ساڈے ساہ دی سچھ تے سمدن ہول خواں دے حاکم دے
 ساڈا سینہ جنم جنم توں موبنچھ مزار کلھپے دا
 یارو! دل دی دھڑکن دھڑکن سینہ سینہ خرتج کرو
 شہ رگ شہ رگ جاگدا پیٹھے پہرے دار کلھپے دا

قطرہ

پہوں ضبط جو کراں تاں وی ڈسکیاں نہ ڈک سگیاں
 رونواں تاں روندیں ہوئیں میڈا چولا وی پس فٹے
 مدت گزر گئی ہے میں رونوٹ کوں سک گیاں
 اوں باونا کوں آکھو جو ہک وار رُس فٹے



اے دل جو ہے مستقل تید اگھرتاں وہم کہیں در دا کیا کرتے
ایں گھر دے وچ ہک میڈاوی گھر سچن میڈے گھر دا کیا کرتے

میڈی تھیلی سنجی حویلی دی آدھی آلا اندھار کمرہ
اے زندگی دی لکیر ڈس جو اتے تھئے مقدر دا کیا کرتے

میڈی پیشانی دا بھاگ رہی پر اتے پیریں دا پیار کے تیں
ڈسا میڈا پر سکون چہرہ اندر دے محشر دا کیا کرتے

سُجاک سِک دے سفر دے وچ ریت ریت تھی کے مراغ پاتم
فقط تیدے نین ہن سمندر مگر سمت در دا کیا کرتے

دُسیا گیا ہا جو وقت ہے رہ گذر دا پتھرتاں کھلے ہا سے
 ڈوہیں کول ہن سوچنا پیلے ایں راہ دے پتھر دا کیا کرتے

لے ذہن دیاں غیر حاضریاں دقت دیاں مسلسل جواب طلبیاں
 عزیز شاہد دی خیر خیر و سکول ٹیچر دا کیا کرتے

قطع

دل دا دوا کرے تے

رو کے دُعا کرے تے

نکھڑیا ہائے ہا سے

مل پئے تاں کیا کرے تے



چاہت، خلوص، پیار، محبت، وفا فریب
ہر ابتدا فریب ہے ہر انتہا فریب

چہرے جو اپڑیاں اپڑیاں سُجائڑاں و نچاکھڑن
شیشے کوں کیا خبر جو ہے کیا سچ تے کیا فریب

لحظے جو بے لحاظ ہن لکھیں دا کیا لحاظ
نکھڑن دا دکھ فریب ملن دی دُعا فریب

ہر رُوح دانگ دانگ ہے ہر جسم عیب عیب
مید الباس کوڑے تے تپدی دُعا فریب

کھوٹیں ضرورتیں واثما شہ ہے زندگی !

میداد ادب فریب ہے تپدی حیا فریب

قہیں دے اعتبار سب لفظی کرامتوں

ہر حرف "غم فریب" تے آدم "خدا فریب"

"ریشم ریا" دے رشتے اے سجدے جہین دے

ہر ہر قدم میں بپندریا کیا کیا انا فریب

قطعہ

شالا کتھا ہے دل لگی

چن! چھوڑے اے دل لگی

پاپوش پا ایویں نہ ٹر

مناں کہیں دا دل لگی



وقت او لہو لہان کاتی ہے
خوف توں سوچ گنگی باقی ہے

انت پنی بگئی ۽ خون لفظیں دا
تیبڑی چپ کتتی کال والی ہے

صرف احساس مشترک ہونے
ورنہ ؛ ہر کہیں دی مونجھ ذاتی ہے

ہنٹ تئیں سینہ کتھیں سمانڈائیں
گھٹ کے کہیں بگلکڑی جو پاتی ہے

صرف ناں سُن کے تیر مارے گئے
دو تئیں کنڈ میبڑی سنجاتی ہے

اپنی اکھ دے سہاگ کیا پچھدیں
ہر ستارا جتھاں براتی ہے

روز جیشدوں تے روز مرے پیوں
کیا حیاتی ہے کیا مواتی ہے

یاد یکیم تاں سامنے آ گئے
تیبڑے غم دی وڈی حیاتی ہے

قطرہ

آج کیوں نیناں موندھ رچی ہے

پیل پیل کھلدی ہلدی ہاٹوے

وَنگ ترٹ پئی ۽ رووٹ پئے گیئیں

دل تڑپدے ہن کھلدی ہاٹوے



رہن بڑے کہیں نشانی لیوں تاں یک ادھ لیر پھولے دی
 انا انصاف کر ، رہن معاف کر تقصیر پھولے دی

میڈے یاریں پوئی تاں ہے میکوں پوشاک حرفیں دی
 ذرا گل نال کجھ کجھ تنگ ہے زنجیر پھولے دی

جینویں محرم مطابق جیل دی دیوار ہوندی ہے
 میڈی قامت دے میچے نال تھئی تعمیر پھولے دی

خدا وندا بھرم رکھ چا ، انہاں دی بے لباسی دا
 ہوا دے ہتھ وندا چھوڑی جنہاں جاگیر پھولے دی

ڈبھن کجھ دھوڑ دھلگے رات میں اپنی ہتھیلی تے
 ڈتی ہے یک سیانڑیں خواب کوں تعمیر پھولے دی

پیرائی پوٹاک مل گھن کے او اپنا قد ودھیندا پئے
اوندی فطرت دا نیئیں ارمان ہے تقدیر چولے دی

میں اپنے پترتوں پچھیے ٹڈے ایس سن دی گئی خواہش
ڈکھئی ۶ اوں میکوں تختی بٹا تصویر چولے دی

میڈے گم گار یوسف کوں وی من دے مصرتوں شاہد
کھپ کنگان تئیں کرنی بیٹی تشہیر چولے دی

قطرہ

اوپے ساریاں گالیں جوہن یاد آند بنے

تاں محسوس تھیندے جوہنی بدتمیزی

میڈا اونکوں آکھن جو شستی بنکئی

اوند اول چرانوٹے عزیز ی گزیری




کہیں دا کیا جے کہیں دا سینہ خالی ہے
ہر گئی اپنے درتے آپ سوالی ہے

چپ دی بچنی پا کے چنڈ ء چ بہہ گئی ء
شرموں مونجھ دی کینجھی شرماں والی ہے

اپنا غم نہ چھٹ ، سبے توں مرویسی
اکھ دھرتی تاں ہر رت ء چ پٹیالی ہے

ساد سونے کوں سک دے سیکے سودھی رہ
بل بووے تاں سینہ آپ کھٹھالی ہے

چندر شوال دی پہلی دا توں شاہد ہئیں
من ء چ آج دی کہیں دے کن دی والی ہے



یقین لٹ کے میڈے گم گمان چھوڑی گئے
 اُپہل ہنس تہوں سو گھے سمان چھوڑی گئے

پتہ وی ہنس یں ہاں چیناں تے تھہ وی زخمی ہن
 او وُت وی میکوں میڈے درمیان چھوڑی گئے

چنگاں بھلا ہا مُصلّی اُباد پلکیں دا
 کھلیا ہو یا میڈی ہنچ دا قران چھوڑی گئے

میڈے لبوں کوں اوں چم کے قسم ڈتی چپ دی
 یں کیا کراں میڈے منہ وچ زبان چھوڑی گئے

عجیب پل ہا وچھوڑے دا ول جڈاں یاد اے
 بہر کوں ہوش اندر کوں دھیان چھوڑی گئے

پرار وانگے اے سانوٹ وی ونج وٹھے شہر
تسی تسی میڈی روہی دمان چھوڑی گئے

مرٹ دے بعد وی اکھ ہئی تری ہوئی اونی
او شخص وقت نزع دے بیان چھوڑی گئے

‡


قطرہ

رُشن دی ہئی عادت تاں مناوٹ داوی ڈاسکھ

ممکن ہے کتھیں کوئی ملے تیرے جہاں تیکوں

تیں وانگ جے کر او وی ہووے عادی رٹ دا

ول کیویں منیبیں، آناہاں اولویں میکوں



کوئی نہ کوئی اسکول میڈے رستے وِج رہ گئے

شیت میڈا کوئی خواب کہیں بستے وِج رہ گئے

ہنّ تیں اپنا چہرہ نصف نظر دے میوں

کیندے سروا وال میڈے شیشے وِج رہ گئے

بس ہک پل دے کیتے ہاں دے نال لگا ہا

ساری زندگی درد اوہیں پاسے وِج رہ گئے

لوک اچنّ تیں تیڈے نال دے طعنے ڈیندن

تیڈا قد وی شیت میڈے چولے وِج رہ گئے

کچھ اپنے، کچھ یاریں دے، کچھ ما دھرتی دے
اپنا فن وی کہیں نہ کہیں قرضے وِج رہ گئے

کیا شاعر تے کیا شاعر دی کالی قسمت
جیندا اپنا شعر اوندے کتبے وچ رہ گئے

میں سماں بیوہ دے جن دے نال سفر وچ رہ گیا
ساری رات اے کون میڈے کمرے وچ رہ گئے

سو پشیمیں توں بیڑھے خواب ملیے ہن میکوں
سارے خواب اُونویں میڈے ترکے وچ رہ گئے

تو نڑیں وقت سناوت کرن تے مخلص وی ہا
اپنے ہتھ اُونویں اپنے کیسے وچ رہ گئے

در بدری دے بعد جو میں کشکول بٹھالے
میڈے اپنے لفظ میڈے کاسے وچ رہ گئے

پچھلے سال دی ڈاٹری شاہد رول کھڑا ہاں
اوندنا ناں وی شیت کہیں ورتے وچ رہ گئے



سانجھ کے اکھ اکھ دے چرخ ہنچ ہنچ دا گوہر رکھ دتے
قطرے قطرے دچ سمندر دا سمندر رکھ دتے

قید ہاں میں کتنے سالیں توں انا دے خول چ
کیں ایں مجرم کوں میڈے سینے دے اندر رکھ دتے

ہیکوں فرصت ہے پڑھے میڈے جگاریں دے عذاب
خط لکھیں یاریں کوں پہوں لکھ لکھ کے اکثر رکھ دتے

ڈیندے پل پل جھٹک ساہ ساہ دی میگوں مالک مکان
کیں میڈی دیوار چ کھلیا ہو یاد رکھ دتے

چھندی چھندی یاد آئی پلکیں دے پرے پاکریں
اکھ دے درازے میں کہیں ہنحوں دے پھر رکھ ڈتے

ڈنگ گیا ہامیڈے لب کون مانگ مشکی لفظ دا
زلف دی چھاں کر کے وت اوں چپ دانتر رکھ ڈتے

کوئی ننگ نہ کوئی زمیں میڈی جیہیں کوں راس آئی
تھک کے اپنے پر میں اپٹا مقدر رکھ ڈتے

قطرہ

دا من وچ کیا بھسی ول دل کت دادھیان کرسی
اُجڑ و بچڑ دے بعد کوئی کیا کجھ قربان کرسی
اچکل موت سروں سستی ہے یارو رُسٹ چھوڑو
بعد عچ کئی ارمان کرسی کیا ارمان کرسی



او گال گال میں تسمان گھنڈا پئے
کیوں بے زبان توں وت کوئی زبان گھنڈا پئے

اوندے بدن دے صحیفے دا کتا حافظ ہاں
دھال دے کے میڈا امتحان گھنڈا پئے

خدا رکھے تیکوں پلکیں دی آم شام دے وچ
تیرا خیال اکھیں دی امان گھنڈا پئے

اے کون سینے میڈے وچ پلیندا پئے دھک دھک
اے کون میڈے اندر دا گیان گھنڈا پئے

ہاں میں می چپ، اوئی چپ، تے ہنخ الیندی
جیویں گواہ توں کوئی منصف بیان گھنڈا پئے



نہ چٹڈے زخم سینے دانہ کھٹڈے ساہ سفر میڈا
میں پتھر دل، میں پتھر جس ہے پتھر داجگر میڈا

آوارہ بے سہارا ہک اندھارا ہاں خلائوانگے
نہ کوئی آسمان چھت میڈی نہ کوئی دھرتی ہے گھر میڈا

توں آپیں پول میں تیڈے لبوں دے طاق کیوں کھولا
زباں تیڈی، قسم تیڈی، نہ توں میڈا نہ در میڈا

میڈے اندر دا خالق مرنجے ہا خود کشی کر کے
میکوں مجبور کر گئے چپ رہن تیں صرف ڈر میڈا

انا مجروح تھئی اینجی جو ہر احساس مر گیا ہے
نہ انگ سنگ نال کوئی رشتہ نہ شیشے نال ٹہر میڈا

میڈا مالک باتوں پہلے ست پہر میگوں سنبھالیا کہ
پچھیں میڈا ذمہ ہر رات دا پچھلا پہر میڈا

خدا دے نال تیں شاہد ارج تاں میگوں پہر آنوں دے
و دا پچھدے پتہ ہک شخص کلہا در بدر میڈا


قطعہ

نیکھریے میں پر نیئیں نکھڑیاں قسیں ڈتیاں نشانیاں

تیبڈے میڈے ہتھیں ہن ارج دی اوہے انگوٹھیاں

تیں خود کشی نیئیں کیتی میں زہر کوئے فی پیتیے

قسماں تیبڈیاں دی جوٹھیاں قسماں میڈیاں دی جوٹھیاں



ایسچی ویران دَسوں ہے پچھانویں توں دی ڈر لگدے
 گلیبیا ! میکوں کتھ گھن آئیں نہ گھر لگدے نہ بر لگدے

سحر دی آس ! کجہ احساس کر سردی سُفیدی دا
 اندھاری رات ! تیدی موت کوں کتواں پھر لگدے

ہوا ونج بھونڈا بھونڈا اَن ڈٹھے زندان دے دریں
 محافظ بیکی ! در کھول میکوں میڈا پر لگدے

پتہ نیں کینجھا موسم ہے اے اچکل میڈی وحشت دا
 کڈی درناں سر لگدے کڈی سرناں در لگدے

اے کیں دھرتی دا واسی چھاگیلے میڈے چہرے تیں
 نہ اکھ داہم فلک لگدے نہ بنخ داہم سفر لگدے
 میں کلہا سوچ سچہ دی دوزخی دھپ اچ سداسڑاں
 ستم ع میڈا سایہ وی ایں بجاہ توں بے خبر لگدے
 اوندے چاندی بدن دیاں چاندنی کوں پارتاں ڈیندا
 اے "چہرہ چور" چن چوڈی داکتا معتبر لگدے

قطعہ

کوئی وعدہ نہ شام باقی ہے
 نہ دعا نہ سلام باقی ہے
 بنخ ڈھندیں ہوئیں پچھے اکھ توں
 کیا کوئی انتقام باقی ہے؟



اکھ وی خالی ہے اتے پپی وی تر کوئی نہیں
زندگی! اے زندگی اعتبار کر کوئی نہیں

سرتے کالی رات دی میت کوں چاکے کن وچاں
میڈے ہمسائیاں داوی تاں اپنا گھر کوئی نہیں

اے تاں پاگل چاندنی پھر دی ودی ہے در بدر
اے میڈی دھر کن سنبھل اے دل نہ مر کوئی نہیں


رقت تیشہ قلم دا میڈیاں انگلیں لہو لہاں
ایں کنوں ودھ تاں میڈے ہتھ وچ ہنر کوئی نہیں

بے وطن میں بے زمیں میں بے خضر میں بے سُبْحانِ
کیا کلہیا ہے جو ساہ دا ہم سفر کوئی نہیں

”سنگِ مرمرِ دا محل“ بن گئے علامتِ پیار دی
شہجہاں دے شہرِ وِچ وی شیشہ گر کوئی نہیں

ہر کوئی اپنے پچھانویں کول بدن وِٹھھی ودے
میں وی ہاں موجود توں وی ہیں مگر کوئی نہیں

زندگی بے خواب اکھ دی بے کسی دا وین ہے
اے اویوہ ہے جو شاہدِ جیندا ور کوئی نہیں



بس کر میڈا ہنراد توں ضد اپنی دی زد دیکھ
ہن میکوں میڈی اپنی ضرورت ہے اشد دیکھ

میں دھرتی دے رخصتیں ہک خال برابر
اسمان سواں لعل توں ایس خال دے خد دیکھ

میں الف "انا" لفظ اندر نوٹے دانقہ
مسند توں ذرا لہہ میڈے حریف دی سند دیکھ

میں گول جیہاں خول جیویں دائرہ صفر دا
بھن ترور ولا جوڑتے اندر دے عدا دیکھ

چو گرد زباں میڈی ہے ہن پتری دیواراں
دیران ہے کئی سالیں توں سینے دی لحد دیکھ

بے مہمت نہ تھی لفظ دی پوشاک پوا کے
پہلے میڈا فن دیکھ 'نظم' دیکھ تے قد دیکھ

ہک میں جمع ہک توں تے اساں بڑیہیں نفی بڑو
ہر ذات ہے کیناں ازل دیکھ ابد دیکھ


چپ دیکھ کے میڈی توہیں روپن تیدے تین
وت وی او نویں چپ آں میڈی بڑاںش دیکھ



سائیں! میڈے احساس تے احسان وِلا کر
 کہیں لحظے میکوں لحظے دی تنہائی عطا کر
 اُڈیکھ اُچر گبتین میڈے چہرے دے سب رنگ
 آسمان دا وِا سی کڈی دھسرتی تے لتھا کر
 وت جاگدی پیء میڈے دل وِچ اوندی خشتو
 اے وقت ادب کر اے سُنجی شام حیا کر
 نہ کچھ جوتیڈے بعد میڈی کینویں گزری
 توں مونجھ نہ کر خیر وِ گزروسی دُعا کر

لفظیں کوں و سرگین تیدے پیار دے لہجے
 گونگا مسیکوں ایں چپ دی اسیری توں رہا کر
 پلکیں دی تبھی نوک تے نجدی ہے میڈی منج
 اے وقت دا شاہد اے تماشاوی ڈٹھا کر

رُل گئے ہیں ڈوہیں تھوک اساں جھوک دے پاروں
 آیار! ایہا رات رلے رو کے گزاروں
 چہرین توں چھنڈک پھوک ڈنرک دھوڑ ریادی
 آ! خلق دا ہک ملک دسوں چار چدھاروں



آ! میکوں اپنے ہتھ تاں چمن ٹٹے
 ویندی واری ثواب کھٹی ورنج
 اپنے مارن تاں چھاں تیں سٹ ویند
 جانیاں! میکوں چھاں تیں سٹی ورنج



وقت کیدو ہے قید کر گھنڈے
 بھانویں گئی ہیرے یار انجھا ہے
 ہر کہیں نال قید خانے وچ
 زندگی داسلوک سانجھا ہے

بے دفائی وی چک سلیقہ ہے
 جیندا ہر کہیں کوں ڈا نہیں آندا
 صرف اے فن ہے حسن دا وثر
 ورنہ دنیا کوں کیا نہیں آندا

اکھیں چہرہ، دامن، دھرتی
 رشتے سلسلہ وار ہنچوں دے
 اکھیں وچ کوئی غیر نہ رکھیں
 گھر بن پردہ دار ہنچوں دے




مُنہ تیں ہوندنِ خلوص دے چرچے

دل دے اندر کدورتاں ہوندین

کوئی کہیں نال وی نہیں مخلص

اپنیاں اپنیاں ضرورتاں ہوندین




بدن لیراں لیراں اچاں اپنی سیک دا حشر کیا کریجے

بھلا ایجھی وحشت بھری زندگی دا سفر کیا کریجے

نیڈی یاد مہن جسم وچ نہر ہٹ کے ٹرن پٹے گئی ہے


دل اہدے تیکوں یاد وی نہ کریجے مگر کیا کریجے




اتنا نہ رُس جو تیڈے مینوے دی میڑھ وِچ
 قسیمیں دا اعتبار میڈے دِل توں لہے وُٹے
 ہک وار رنج کے رووؤں تے روندیں نکھر وُجھوں
 دِل نہ ملوں تاں ہنخ دارشتہ تاں رہ وُٹے



چٹے کھر کیاہ دے پھل دی چٹی کھیر حیاتِ
 کھر پھلاں کوں چنڈی پئی ۽ لیر کتیر حیاتِ
 خواب ڈٹھے ہک اندھی اکھ وِچ ہنخ ہک لڑھکی پئی ۽
 سدھ پئی پل ہے اندھارستہ وُہندائیر حیاتِ



غزلاں سُنن حال نیں سُن دے رت رت رات اندھاری دا
 ساکوں لوک سمجھن یار و مشغہ وقت گزارے دا
 اُج نہ تاں کل ترٹ دینا ہا چنگا تھئے جواچ ترٹ پئے
 سے تیں ٹر گدا ہا آخر رشتہ زور تے زاری دا



وچ تھوڑ دے جوڑ سیجاں کئی
 سوہنے سانول دے نال سُم گھنداں
 وسدے ویلھے جو یاد آندے ہن
 اُپریں باہیں کون آپ چم گھنداں




سم گیا ہے انت چندر کفن پا سوائیں دے
 ابھریے "انا فتی" توں ستارے و فائیں دے
 او شخص نیں بلیا مگر اتنا ضرور تھے
 آنگے میڈے لبیاں کوں سلیتے دُعائیں دے



جذبے دی جواں بہن اتے ہن تار اُمنگاں
 خوابیں دا زمانہ ہا میں کجھ خواب ڈٹھے ہن
 اُج پلو دے دچ صرف ستاریں دی سواہے
 کل توں نرین تاں میں کھیڈ دے مہتاب ڈٹھے ہن




سانوڻ سدا نئیں رہندا کئی رت سدا نئیں رہندی
 رُٹھے مینج و بندن او چیس و لا نئیں رہندی
 اینجھا دی وقت آندے بے گھر مسافریں تیں
 منہ دی مسکان کیتے سکھڑیں سوا نئیں رہندی




چم کے دست جنائی کہیں دے اتنے گھرے زخم ملیے
 دل نئیں کیتے کہیں دے اکوں دعوے دست شناسی دے
 یار میکوں مجبور نہ کر جو روح تیں بار ہے صدیں دا
 توں تاں زخم وی گہن نہ سبکیں سکھڑیں سال آنا سی دے



سموں ہک پئے دی ہانہ دی زکھ سرائڈی
 رکھوں اودھ وچ طلب تلوار — جاگوں
 جگارا زندگی ہے، نندر موت
 ایں مسئلے تیں کروں تکرار — جاگوں



کے تیں دُرک دی یل دے اندرں بچدے منظر دیکھوں
 دل اہدے ہن جگیاں رُدے ککھ دا اندر دیکھوں
 بھوئیں بدن دی ترائیں وانگوں تپ تپ تن تڑپاوے
 ساہ کوں سیک دی سولی چارھوں موندھ دے منظر دیکھوں



ترُٹنِ تاں ہتھ نیں آندے جوہن چور چور لوک
 پتھر نہ مارا یاں کچ کُروڑ لوک
 مرگئی عجز خواں دی ہس دے ہر اس توں
 سانوں توں پہلے کھا گئے امبیس دے پور لوک



اکھیں کھلیاں تاں اپنا خواب وی بس ہک خل نہکھتے
 گلہ کیا وقت گُندے دا خود اپنا من مچل نہکھتے
 سمندر بیکھ کے پیریں دے وچ تیرہہ ترُٹ کے ڈھہپا
 مگر محسوس کیتاں سمندر آپ تھل نہکھتے



دل دا دوا کرے جے رو کے دھا کرے جے
نکھڑیا ہانڈے ہا سے دل پے تان کیا کرے جے

(عزیز شاہد)